

1243
AUSPICIIS DIVINIS:

De

**JURAMENTO
MANDATarii
IN ANIMAM PRINCIPALIS,**

sub Moderamine

VIRI

ILLUSTRIS AC EXCELLENTISSIMI

**DN. NIC. CHRISTOPHORI
LYNCKERI,**

Jcti, Hereditarii in Fürstst. & Rötshau/

Serenissimo Duci Saxo-Vinar, à Consiliis intimis,

Juridicæ Facultatis Senioris & Antecessoris primarii,

ut & Curie Provincialis ac Scabinatus Assessoris

gravissimi:

Domini Patroni atatem devenerandi,

IN

INCLYTA SALANA ACADEMIA,

Ad Diem Augusti publicè disputabit

AUTOR

JOHANNES HEINRICUS JACOBI,

è Guestphalis Sufatenfis.

I E N Æ,

Literis GEORGI HEINRICI MÜLLERI.

ANNO CIO IDC XCII.

IN ANIMAM PRINCIPALIS
MANDATI
JURAMENTO

FINIS CHRISTIANI
FACIENDI

Per Hunc in Christum & in
Christum Iesu Christum
et in Spiritum Sanctum
et in Ecclesiam

Christi Amen

JOHANNES HENRICUS JACOB

et Evangelium



DEO Duce Comiteque Virtute.

PROLEGOMENA.



Uemadmodum in vulgus nota est regula, ex æquitate naturali desumpta *l. l. ff. de pact. nihil tam humane fidei consentaneum est, quam ea, quæ placuerunt, servare*; ob justissimam, quam præ se fert rationem, repetita in *l. 20. pr. C. de transact.* Et confirmata *l. 1. pr. ff. de Const. pecun.* Ita ex parte adversâ etiam consta-

re autumo, quod excrecente hominum malitiâ, simplici assertioni vel negationi vix credatur, & quod à nonnullis etiam iis, quibz fides data ut servetur, curam agere maxime incumberet, ob privatum etiam si modicum aliquod interesse, non consideratâ naturali æquitate potius depravatam sequentes naturam, ea pessimè negligatur, ut vix id, quod promissum est, obtineri possit, præ primis ab iis, qui non facilè conveniri, vel ob potentiam plane ad fidem datam servandam, vi externâ coërceri nequeunt, maximo pro dolor! hominum inferioris conditionis damno. Utinam Germaniæ nostræ antiqua laus integra ac inviolata maneret! tanta enim fidei exuberantis & innati candoris prærogativa Germaniæ tributa, ut etiam exteri alias germanicæ nationi invidi, formulam

sanctè aliquid promittendi sub fide Germanicâ *par Fey d'Allemagne*, receperint. vid. Myler ab Ehrenbach in *Nomolog. Ord. Imper. cap. 6. §. 3.* Postquam igitur pessima hæc consuetudo apud plerosque invaluerit, optimè cautum quærere remedium, ad fidem datam servandam magis obligans. Cum itaque juramento nullum vinculum ad adstringendam fidem & conservandum politicum ordinem arctius deprehensum sit, hoc ad assertionem confirmandam jure voluntario receptum, & quoniam ipse summus & qui ab eo dependent Monarchæ hoc, quavis diverso modo, usi fuerint & adhuc utantur, non est quod dubitemus, an jurare liceat, si enim per se malum esset jurare, profectò Deus non jurasset *c. 26. X. de jurejur.* quavis plurimi reperiantur, qui locis quibusdam S. Scripturæ permoti juramenta Christianis sub novo fœdere interdicta esse, falsò sibi persvadent; Recepto igitur juramento tanquam licito, consequens est, ut videamus, an etiam extensio illa, quâ alter in animam Principalis jurat, tanquam licita admitti possit; cum enim de juramento in genere plurimi essent Commentarii, hinc ne à plurimis acta agam, operæ prætiû duxi, potius me conferre ad dictam Selectam, de juramento Mandatarii in animam Principalis materiam, hæc enim cum ab aliis (quorum consilium sequi maxima mihi erat religio) elaboratione digna judicata fuerit, mihi quoque arrisit, præprimis ob notissimam & in judiciis (etiam supremis) frequentissimam formulam: *In seines Principalen Seele schwören.* Quid igitur circa hanc formulam juris sit, præsentis Exercitatione Academica, pro ætatis ac ingenii modulo, assistente Divini numinis clementiâ Tibi L. B. tradam, Fave modo ausis, perpendendo insimul, sat esse in arduis tentasse ac voluisse.



CAP. I.

De

DEFINITIONE NOMINALI AC REALI.

THESIS I.



Um voces, quarum ministerio ad res exprimendas utimur, raro in nativâ suâ significatione acquiescant, ac nomina praprimis artis, secundum Celsum l. 7. §. 2. ff. de Suppell. leg. non ex opinionibus singulorum, sed ex communi usu, exaudiri debeant, operæ pretium esse existimamus imitari Jeros, qui magnam semper in explicandis vocibus diligentiam adhibuerunt, arg. pr. f. de testam. ordin. l. 236. de V. S. probè scientes quod terminorum cognitio sit via, quæ nos ad multarum legum verum intellectum provehit.

Introitus.

Th. II. Seposita verò jam vocis juramenti primo occurrentis Etymologia & neglectis cæteris ad Criticorum curiam spectantibus (hæc enim jam dudum publici juris fecerunt alii, qui de juramenti in genere egerunt) Notamus solum, quod vox juramenti hic propriè (1.) sumatur, quatenus est species invocationis Dei (2.) in bonam partem pro obsequio scilicet quod Deus ejusque nomine Magistratus à nobis jurejurando exigit.

Homonymia.

Th. III. Notanda insuper frequentissimè apud juris Romanæ conditores acceptio (1.) vocis Sacramenti pro juramento l. 12. pr. C. de Reb. cred. l. 8. C. de legat. quicquid enim jurisjurandi sacratione gerebatur, illud veteres dixerunt juramentum, & tali Sacramento se mililites suo adstringebant Duci. Magnif. Dn. Stryck in not. ad Brunnem. Jus Ecclæs. l. 2. membr. 2. c. 1. §. 1.

Synonymia.

voce *Sacramenti*, malè verò usus *Sacræ Cœnz* pro juramento habetur, hinc maximus Ecclesiæ Romanæ olim fuit abusus, ubi instar Jurisjurandi Henr. V. Imp. & Pontifex Paschalis II. S. Eucharistiâ usi sunt ad confirmationem fidei in pæctis civilibus, pr̄primis eo ipso voluerunt confirmare pactum, istud de investitura Episcoporum (2.) etiam in jure nostro Justiniano juramentum religio dicitur, l. 18. C. ex quib. caus. infam. iſtop. aded, ut certum sit, jusjurandum non aliter obligare, nisi metu religionis Barboſ. axiom. l. 9. c. 126. §. 12. Jurare alias exprimitur his phrasibus, accipere seu assumere nomen Dei Exod. 20, vers. 7. Dent. 5. vers. 11. In jure civili dicitur etiam jurare, ex sua conscientia satisfacere Seraph de Seraph. de Privileg. Juram. in addit. ad Præfat. n. 18. Sic Laberius appellat Juramentum aris alieni emplastrum, imitatus fortè Ciceronem L. epist. ad Atticum epist. 16. dicentem abjurat creditum. Vid. Biccus in Consuet. Feud. ad 2. Feud. 3. p. 231.

Etyologia.

Th. IV. Vox *Mandatarii* à mandato sive mandare, quasi à manu danda natales suos trahit, & hoc inde, quod in mandatis dandis, accipiendisque manus sibi invicem dare mos fuerit, quem adhuc hodiè in mutuis promissionibus videmus observari, vid. Calvin. Lexic. Jurid. voc. Mandare.

Th. V. Intelligimus verò hic per mandatarium, in genere eum, qui aliena negotia mandato accepto administrat. c. 8. Saluap. l. 1. §. 3, dicimusque cum Hostiens. tit. de procurat. n. 1. ferè in fin. quod nil obstat sive dicatur actor, sive procurator, sive legatus, sive œconomus, sive etiam nullum nomen exprimitur, dummodò de mente constituentis, ejusque mandato liqueat c. 9. de procurat., quamvis de jure civili hæ personæ enumeratæ non convenient omnes cum mandatario, uti ex 11. de procurat. Mandat. & ex l. 11. C. de procurat. constat. Notanter verò in dictis personis mandatum necessarium esse diximus, ad excludendum scil. negotiorum gestorem ac defensorem, qui absque mandato aliena negotia gerunt, l. 43. §. ult. l. 46. §. 2. de procurat. l. 5. §. 6. Judicat. Solv. l. 41. C. de Negot. Gest.

Homonymia.

T. VI. Particulam *In* quod concernit, variè illâ utuntur Jcti, aliquando denotat idem, quod *sub Nov. 88. c. 1. pr. verb.*

in quibusdam conditionibus, quandoque idem quod pro l. 12. C. de usufruct. verb. in annos singulos, h. e. pro annis singulis, sed missis aliis acceptionibus, optimè huc quadrare videtur, acceptio Ulpiani in l. 1. §. 9. ff. de Quæst. ubi dicitur, in caput alterius torqueri, h. e. in alterius discrimen vel alterius periculo torqueri.

Th. VII. Sequitur in rubrica vocabulum *anima*. Sumitur verò hîc anima non tam propriè, pro parte illa hominis præstantiori, sive anima rationali, quàm impropriè & synecdochicè pro personâ seu hominè toto, uti Genes. 12. vers. 5. Psalm. 16. vers. 10. ubi Propheta clamat: non lingues animam meam, i. e. Mx. Sic Luc. 12. vers. 19. ubi dicere animæ suæ, est dicere sibi ipsi, quò etiàm sensu Latini solent usurpare animam, sic Cicero Terentiz & Tulliolz: *Vos mee carissima anime sæpè ad me scribite.* Virgil. *occurrunt anime, quales nòque candidiores, terra tulit.*

Th. IIX. Denique consideranda venit vox *Principalis*, quæ in omnium lingvâ ac ore fermè hæret, eam verò à Principio derivari posse putamus, quasi *Principalis* à principio & primo omnium dominetur ac cæteris præsit; nam Principales olim erant decurionum primi, à quibus distributionem omnium forma processit. Calv. in Lexic. Jurid. voc. *Principales*, vid. l. 27. §. pen. & ult. ff. de pæn. l. 2. §. 2. ff. de orig. Jur.

Th. IX. Sumitur etiàm vox *Principalis* adjectivè l. 2. ff. de offi. adfess. l. 3. §. 1. ff. de Separat. l. 2. ff. de vulg. & pupill. subst. quæ acceptio nòn est hujus loci, sed vocem *Principalis* substantivè accipimus, prout significat mandantem, nòn quatenus in l. 2. §. 1. C. Quand. & quib. quart. pars deb. pro curiali sumitur.

Th. X. Perlustratâ definitione nominali, pergimus ad realem. Cum verò difficilimum ac periculosum sit, literarum, quoque peritissimo, exactam omnibusque absolutam numeris, cujusvis rei dare definitionem; igitur apponemus solum aliqualem descriptionem, dicimusque, quod Juramentum, Mandatarii in animam *Principalis* sit, religiosa rei alicujus asseveratio, à mandatario mandate. *Principalis* in animam ejus per invocationem Dei in testem facta, ipsum mandantem obligans. Non erimus hic solliciti de quarundam formularum asseverandi vi ac naturâ, nec de QQ. illis, an per angelos & per creaturas jura-

ri possit, vid. Myter ab Ehrenbach Nemolog. Ordin. Imper. cap. 6.
per eos. Illustris Dn. Struvius Patronus ac Praceptor meus etatem de-
venerandus Ex. 17. 16. 3. seqq.

CAP. II.

De

CAUSA EFEICIENTE.

THESIS I.

*Causa effi-
c. remota.*



Jus naturalis.

Ntequam ad ulteriora progrediamur, disqui-
rendum paucis erit, an juramentum hoc man-
datarii in animam Principalis, de quo hic agi-
mus, repugnet juri naturali, divino, canoni-
co, civili, feudali, ac statutis & moribus ho-
diernis?

Th. II. Et quidem, ut de jure naturali
quod ab immortali naturâ omnium morta-
lium cordibus insitum prius dispiciamus (dissentiente licet
Justo Oldekop. & hoc juramentum ab omni jure alienum esse
nimis audacter asserente, rectè ob id notatò. à Feltman *intra
de promot. absent.*) nihil sanè invenimus in nostro themate,
quod naturali juri contrarietur, huic enim si repugnaret et-
iam contra bonos mores esset, l. 25. ff. de leg. quicquid verò, se-
cundum elegans illud estatum, bonis moribus contrarium,
illud nec facere nos posse credendum est, l. 15. ff. de condit. inst.
Hinc posito contrario, quod scilicet adversetur juri naturali,
necessum etiam haberemus contrarium, nempe ab omni ju-
re hoc juramentum alienum esse, cum ante citato Auth. ob
rationem adductam asserere, quod nihil aliud esset, quam
iniquitatis accusare Constitutiones, quibus juramentum per
mandatarium præstitum approbatur.

Jus divinum.

Th. III. Sicuti verò hoc juramentum jure naturali li-
citur esse diximus, ita quoque juri divino, si ob justam
causam fiat, conveniens esse, videtur probari posse ex Jos. cap. 2.
vers.

vers. 12. & seqq. cap. 6. vers. 22. verum hzc, ne falcem in alienam
 messem immittamus, nostra non faciemus, sed verbo revela-
 to incumbitibus relinquimus. Licet contrarium (1.) nobis *Obiect. 1.*
 persuadere non possit Oldekop, quod nomen Domini hoc ju-
 ramento in vanum assumatur, & contra secundum Decalogi
 præceptum peccetur, nec (2.) exemplum tam Hiobi jurantis *Obiect. 2.*
 in propriâ personâ *Hiob. 27. vers. 2.* quàm Pauli Apostoli dicen-
 tis *2. Cor. 1. vers. 23.* Ego autem testem invoco in animam meam, nam
 sicuti primum assertum adhuc indiget probatione, ita ad (2.)
 Resp. quod & hodiè adhuc in propriâ personâ juramentum &
 quidem communiter præstari soleat, ex hoc tamen non infe-
 rendum quod ob certam causam non possit per tertium ju-
 rari. Nec obst. (3.) quod juramentum sit actus religiosus, *Obiect. 3.*
 non verò potest alius pro alio actum religiosum exercere,
 Resp. prius concedendo, posterius negando, nam nemo in dubi-
 um vocabit orationem esse actum religiosum, cum tamen alius
 pro alio orare possit, imò jubeatur. vid. *Jerem. 42. vers. 9. & 20.*

Th. IV. Jus canonicum, quod in terris Protestantium *Jus canonic.*
 quoad juramenta, non tamen ex jussu Pontificis, sed liberâ
 receptione maximum habet usum, imò teste Dn. Struvio
Synt. Civil. Ex. 2. 16. 93. juri civili in hac materia prævalet, jura-
 mento mandatarii in animam Principalis maximam tribuit,
 vim, adeò ut hoc jure non solum per mandatarium præstari
 possit juramentum calumniæ, c. *fin. de juram. calumn. in 610. C. 6.*
& 7. X. de juram. calumn. non obst. c. *1. pr. ibid.* sed etiam homa-
 gium & juramentum fidelitatis. c. *un. de Stat. Regular. in 610.* Idem
 ferè dicendum esset ductu c. *2. de Testib. & attestat. in 610.* de jura-
 mento veritatis (per quod intelligimus illud, quod testes de
 veritate dicenda præstant) nisi in c. *licet ex quadam 47. X. de Testib.*
& attestat. à testibus proprium juramentum requireretur. Nec
 obst. (1.) d. c. 2. nam Abbas non tam alienò, quàm suò no-
 mine de veritate dicenda jurat, uti & hoc expressè jure civili
 facere jubetur, Hahn. *de Differ. Jur. Civil. & Canon. 11. 9. p. 360.* præ-
 primis, si notitiis causæ habeat, l. 2. §. 2. C. *de jurejur. propi. cal-*
lumn. ibique Brunn. *7. 11.* nec obst. (2.) quod in c. *veritatis 14. X.* *Obj. 2.*
de jurejur. dicitur, juramentum esse personale, nec personam ju-
 rantis

rantis egredi. Cùm *d. cap.* solum loquatur de heredibus. qui juramentis defunctorum non adstringuntur, Wesenbec. *1. conf. 15. n. 28.* Alia verò ratio est, si quis mandet suò nomine jurare, qui enim facit per alium, perinde est ac si faciat per se ipsum *c. 72. de Reg. Jur. in 6to. ibique Brunnem.*

Jus civile.

Th. V. Quamvis de jure civili mandatarius loco Domini agere ac conveniri possit, *l. 1. §. 2. ff. de procurat. c. 68. de Reg. Jur. in 6to.* hinc etiam jurare in animam Principalis ei fit concessum, *l. 9. §. 6. §. 1. fin. §. 2. ff. de jurejur.* maxime si ei delatum sit, vid. Eckolt *ad tit. de jurejur. ibique Dn. Schwendend.* Ob certas tamen rationes hanc potestatem ipsi denegare videtur (I.) parte adversariâ refragante *l. 26. pr. ff. de jurejur.* & Judice ob certas circumstantias Principalis præsentiam desiderante *l. 24. §. 4. C. de jurjur. ibique Brunnem. Hillig. l. 24. c. 3. lit. K. Joh. à Sande Decis. Frisic. tit. 9. def. 1.* nec in hoc casu à præstatione hâc personali immunes dicit Seraph. de Seraphin. *de privileg. Jur. priv. 111. n. 12.* personas egregias & in dignitate constitutas vel alias impeditas *l. ad egregias 15. ff. de jurjur.* quz vult, ut ad has mittat judex aliquem, qui juramentum ab ipsis recipiat, quod non esset necessarium, si possent jurare per mandatarium, non obstat. *l. 25. §. Auth. Hoc. jus stabit C. de Procurat.* ratio hæc est, ne aliàs injuriâ fieret deferenti, qui ab ipso Domino præstari vult, cum multum quandoque interfit à quo juretur, Bachov. *vol. 1. Disp. 21. th. 1. lit. A. in fin.* Sic Judici interdum interest præsentia Principalis, ut ex juraturi vultu pejerandi voluntatem magis animadvertere & juraturum dehortari possit Brunn. *ad l. 24. C. de jurjur. n. 41.*

Obj. 1.

Th. VI. Prohibetur quoque (II.) mandatarius præstare juramentum calumniæ nomine Principalis *Nov. 124. n. 1.* & ex hâc desumptâ *Authent. Principales C. de jurjur. propt. calumn.* ibique Brunnem. *n. 13.* Principalis enim causam suam ac ejus merita melius scire præsumitur, quàm mandatarius. Nec obstat. (1.) *l. 13. §. 13. ff. de dan. n. in fin.* quò etiam Dieteric. *ad A. B. 111. 19. p. 78. & Treutl. vol. 1. Disp. 21. th. 4. lit. d.* convincere velle videntur, negantes jure civili juramentum calumniæ à mandatario in animam Principalis præstari posse. Sed responde-
tur

tur (α) *ad d. l. 13.* quod hæc lex ne vocabulo quidem indig-
 tet, nedum expresse dicat, cautionem hanc alieno nomine
 postulantem, in alterius animam debere jurare. (β) *In d. l.*
cautionem damni infecti postulans non consideratur tan-
quam persona accessoria, sed quasi Principalis, neque ut man-
datarius, sed tanquam Negotiorum gestor sive defensor, uti
simile exemplum habemus in l. 39. §. 1. ff. de procurat. Et posi-
 to *dist. legem 13.* de alio casu loqui, Resp. (γ) posset, quod casu
 singulari & extrajudiciali admissum est, illud non trahendum
 ad consequentias; alias enim Justinianus, introducens hoc
 juramentum, quo calumniis & fraudibus occurrere voluit,
 spe suâ planè frustratus esset, si non ab ipsis Principalibus par-
 tibus præstetur: quæ aliàs, quamvis hoc juramento in eorum
 animam à mandatario præstito obligentur, & reverà periuri-
 um committant, dum mandatarius pejerat, & sub pericu-
 lo animarum Principalium falsum profert: non tamen sa-
 tis obligatas se putarent; Bachov. *Vol. 1. D. 21. th. 4.* præ-
 primis hæc, quæ juramenta non magis curant, quàm antiquæ
 & ruinosæ domus fumum. Pruckman *Vol. 2. conf. 16. n. 36.* & per-
 inde habent, ac si cum cato aliquo jocentur, ut loquitur Zasius
in l. 2 §. 4. ff. de jurejur. Nec obstat (2) *l. 2. §. fin. verb. Sin autem*
C. de jurejur. propt. calumn. Ibidem enim non asseritur, quod ab-
 sente Principali mandatarius possit præstare juramentum ca-
 lumniz, sed ne lis proteletur, etiam sine juramento in causa
 procedendum esse: nam juramentum calumniz non esse de
 substantia judicii, tam ex *d. §. fin. quam cap. 1. de juram. calumn.*
in 610. constat. Bachov. *V. 1. D. 21. th. 3. lit. C. ubi ad l. 34. §. 3. ff.*
de jurejur. respond. Et aliàs, quod pro compendio litis intro-
 ductum, in adversam figuram transformaretur. Brunnem, *ad d.*
l. 2. n. 70. Alios textus, qui obstatè possent, prætermittimus, cum
 plerumque loquantur de procuratore in rem suam, in quo
 aliquid obtrine, vid. Obrecht. *de juramenti. calumn. cap. 6. n. 11.* Et
 quid longè ad LL. obstat. responsione opus est? cum dict.
Nov. 124. c. 1. & ex eâ desumpta *Anth. Principales. C. de jurejur. propt.*
calumn. 1. loco refutationis esse possint, Quamvis Bocer. *Ch. 6. Disp. 18.*
n. 9. lit. d, d. Nov. solum ad actorem restringere, reum verò vel

Obj. 2,

per se, vel per alium jurare posse velit; quod tamen ex hac Nov. & d. l. 2. §. 3. non probatur. Absurdum enim esset, plus hac in re permitti reo, quam aëtori. add. l. 12. §. 4. C. de jurejur.

Jus feudale.

Th. VII. Quid Jus feudale de mandatarii Juramento in animam Principalis statuatur, luce meridianâ clariùs elucescit ex 2. F. 3. §. 1. vers. *Sed utrum*, ubi dicitur, nihil interesse, an ipse vel alius investituram faciat vel suscipiat, si verò alius pro alio investituram accipit, necesse quoque est, pro eo juret, Dn. Struv. *Syn. J. F. c. 8. th. 6. n. 5. ibique cit. Auth.* Dissentit Baldus, motus 2. F. 7. §. 23. putans reverentiam, quæ ad, it. à vasallo erga Dominum requiritur, per interpositam personam impediri; cum tamen etiam reverentiæ testatio à mandatario Principalis personam representante fieri possit, l. 31. §. 1. ff. de procurat. vid. Hartman, Pistor. l. 2. q. 47. n. 58. Rosenth. de Feud. c. 6. concl. 32. ubi plures Dissidentes allegat.

Statuta ac mores hodierni.

Th. IIX. Denique quod statuta & mores hodiernos attingit, extra omnem dubitationis aleam positum est, mandatarium in animam Principalis jurare posse, cum id non tantum Constitutiones Cameræ Imperialis evincant *Recess. Imper. de anno 1654. §. 43. & 117. Ordin. Camer. part. 1. tit. 65. & 74. verb. Ihr werdet schwören einen Eyd zu Gott/ und auf das heilige Evangelium in eurer Partheyen und euer eigen Seel &c.* Sed etiam observantia & praxis in Judiciis Germaniæ Principum & aliorum satis doceat Gail. 1. obs. 83. Mey. 4. decis. 113. & 8. decis. 369. Bocser. Cl. 6. D. 18. n. 10. Dn. Struv. *Syn. Civ. Ex. 17. th. 17.* à praxi verò non recedendum, cum sit vera legum interpret Marant. p. 4. dist. 1. n. 74. & Stylus pro lege observandus, adeò, ut faciat jus contra omnem dispositionem. c. 11. extr. de consensu. §. fin. J. de satisdat. l. 11. in fin. C. de injur. Cacheran. decis. 22. n. 6. Surd. vol. 3. cons. 377. n. 38. Putamus tamen posse adhuc hodie Judicem ipsum Principalem citare, ut ob certas circumstantias ipse juret, Cárpz. 1. c. 12. dist. 39. Ziegler. ad Lancell. l. 3. tit. 1. §. 13. Brunn. ad l. 2. C. de jurejur. propt. calumn. n. 19.

Jus Saxonie.

Th. IX. Notandum tamen, quod in foro Saxonico mandatarius ad juramentum non admittatur, sed quod Principales, etiamsi sint Illustres, semper jurare debeant in propria per-

personâ, Carpz. *Proc. tit. 11. art. 2. n. 32. seqq.* Zobel. in *addit. lit. D. ad Landrecht l. 1. art. 46. & l. 2. art. 22. lit. A.* add. Schultz. in *Synops. Judic. §. 46. p. 99.* ubi hoc in persona Comitiss Brunonis de M. in curiâ Electorali Lipsiensi practicum & in Scabinatu Lipsi. observatum esse, testatur. Restrigit verò hoc Berlich. *p. 1. concl. 34. n. 26.* cum aliis ad juramenta judicialia, non verò in Juramento fidelitatis, homagio &c. obtinere vult. Aliam restrictionem, vid. apud Dn. Struv. *S. C. Ex. 17. th. 17.* Septentrionales quoque populos, Svecos, Danos, Holsatos, *Jus populorū Saxonum* jus sequi, testatur Val. Winth. in *part. litig. l. 2. c. 13. Septentr.* n. 21.

Th. X. Causa efficiens remotam hactenus inspeximus, sequentia nunc brevibus edocent causam efficientem, proximam: quam duplicem facimus, *Physicam* scil. & *moralem*, *causa efficiens* ad hanc reducimus omnes, qui juraturum ad jusjurandum inducunt & necessitant; quales sunt deferentes ac mandantes, *proxima, moralis.* *Physica* verò respicit ipsum jurantem, ipsiusque voluntatem & *Physica* intellectum, tanquam juramentorum comites individuos. *c. 26. de jurjur. verb. dummodo tres comites.* Ab his enim vis jurandi dependet. Deficit verò intellectus & voluntas (1.) in Infantibus. *l. 5. ff. de R. l. §. 10. §. de inutil. stipul.* (2.) in Amentibus & Furiosis, quippe quos fati infelicitas in eam conjecit miseriam, ut id, quod agunt, non intelligant. *l. 40. de R. l. §. 8. & 13. Inst. de inutil. stipul.* Aliud dicendum, si dilucidis intervallis furor distingvatur. Semel tamen furiosus semper talis præsmitur. Brunem. ad *l. 6. C. de Curat. furios. n. 1. seqq.* Quamvis aliàs dicatur, omnis amans amens, & ubi amor ibi furor, *C. 15. de præsumi.* putamus tamen, amorem omnem intellectum non excludere, Setser de *Juram. l. 1. c. 8. n. 57.* (3.) Ebriorum quoque intellectus & voluntas nulla est, imprimis, si ad eum ebrietatis gradum proventum sit, qui sanam mentem in exilium mittit. Hinc in *c. 14. X. de vita & bonest. cleric. furiosus* comparatur. Male igitur facit iudex, potatorem ad juramentum admittens, pejus Principalis mandatarium Vino adusto ad jurandum quasi inducens; pessimè mandatarius ejusmodi temerarius calices fecundiores exhauriendo, adeò, ut vino sepul-

tus nesciat quid loquatur, & nihilominus non sollicitus de vero & falso juret, add. c. 7. C. 15. q. 1.

Th. XI. Desituuntur porro intelligendi & volendi facultate civili (1.) *pupilli*, etiamsi babeant aliquem intellectum §. 9. & 10. §. de inut. stip. C. 14. & 15. C. 22. q. 5. Illud verò de Jure naturæ hic notamus, quod is, qui satis pollet judicio ad juramentum hoc præstandum, absque respectu annorum admittendus sit. Furor quidem facilius potest ostendi; sed cum in aliis citius, in aliis tardius maturescat judicium, pro diversitate quandoque educationis & conversationis, in univ-
ersum definiri nequit, quousque quis sit impubes: sed illud tam ex quotidianis actibus dijudicandum, quàm ex eo, quod communiter in quaque regione accidit, desumendum. Grot. in incomparabili tractat. de Jure Belli & Pacis l. 2. c. 11. §. 5. n. 2. Determinatio verò legi civili relinquenda, vid. simul Dn. Puffendorffius de offic. hom. & civ. l. 1. c. 9. §. 11. & qui hunc sequitur Dn. Thomas, in Jurispr. divin. l. 2. c. 6. §. 36. Sic civilem Volendi & intelligendi facultatem in hoc juramento habere non censentur (2.) *Minores 17. annis*, cum postulare pro alio non possint, multo minus igitur pro altero jurare poterunt. l. 1. §. 3. ff. de postul. Aliud dicendum, si minor 17. annis doli capax pro se juret, vid. c. 1. X. de delict. puer. Auth. Sacramenta puberum. C. Si adv. vendit. Seraphin de Seraphin. de Privil. Juram. priv. §. 3. n. 24. (3.) *Prodigi* l. 35. §. 1. ff. de jurejur. ibique Gothofred. & Brunnem. Comparantur enim pupillis & furiosis l. 12. §. 2. de tutor. & curat. l. 1. pr. de curat. furios.

Th. XII. Sicuti in enumeratis personis deficit voluntas & intellectus partim naturalis, partim civilis: ita præstantur adhuc aliæ personæ, in quibus, licet quidem voluntas & intellectus planè non deficiat, in hoc juramento tamen non attendatur; quod vel sit coacta vel dolo, culpâ aut errore inducta, cum errantis nulla sit voluntas, l. 15. de Jurisdic. nam omnia, quæ animi destinatione agenda sunt, non nisi verâ & certâ scientiâ perfici possunt: l. 76. de R. J. maxime verò juramentum tanquam actus religiosus, deliberatâ animi voluntate & destinatione præstandum est. Hinc certam scientiam desiderat, quæ
in

in ignorant, decepto, & errante deficit, l. 116. de R. I. add. Grot. in *supr. laud. tract. d. l. n. 1. §. 13. §. 2.* ubi inquit, idem obtinere in iuramentis, quod in promissis ob defectum iudicii locum habet, hinc iuramentum æque ac promissio, ubi consensus deest, nihil operatur, Barbof. *axiom. l. 9. c. 126. §. 15. l. ult. C. de non num. pec. ibique Brunnem. Setfer d. ar. l. 1. c. 26. n. 12. seqq.*

CAP. III.

De

SUBJECTO ACTIVO ET PASSIVO.

THES. I.



Um iuramenti præstationem necessario præcedere debeat delatio, nam si quis iuravit, nemine ei iuramentum deferente, prætor illud *delatio iuramenti.* iusiurandum non tuetur: l. 3. *pr. ff. de iur. iur. l. 2. §. 1. de in lit. iur.* necesse quidem esset, ut prius personas deferentes examinasset, sed quia illæ conveniunt cum his, qui iuramen-

tum in genere deferunt, igitur brevitati studentes nos remittimus ad hos, qui fusius in explicatione de iuramento in genere personas deferentes considerant, & potius jam agemus de præstantibus ac recipientibus hoc iuramentum.

Th. II. Subjectum activum primò loco considerabimus, quod duplex facimus *negativum & affirmativum.* Ad hoc referimus personas, qui præstare hoc iuramentum possunt, *Subj. activo.* sive illis deferatur sive referatur. Cum verò ex rubricâ constet, mandatariis præstare hoc iuramentum, sciendum nos hanc vocem latè sumere, uti in *cap. 1. th. 3.* monuimus, hoc verò adhuc cum Lauterbachio *concl. forens. Ex. 23. ad lib. 12. Dig. lit. 2. th. 5.* notamus, quod iuramentum hoc per mandatarium præstetur, non quidem ut verum procuratorem, sed ut per nuncium tanquam vocis suæ organum & nudum ministerium præstantem: hoc enim etiam in iis, quæ personalia sunt fieri posse probat *cap. 1. de procur. ar. 610.*

Th. III. Quamvis regulariter sexus non obstat prætationi juramenti l. 26. pr. ff. de jurjur. & hinc mulier jurare possit: Gothofr. ad d. l. 26. non tamen hoc procedit in nostro juramento, quod mandatarium requirit, cujus officium virile est, l. 18. C. de procurat. ibique Brunnem. (1.) igitur *fæminas* ad juramentum in animam Principalis præstandum non admittimus, cum officiis virilibus fungi & alienis causis se immiscere, sit contra pudicitiam sexui congruentem. l. 1. §. 5. de postul. nec obstat. l. 41. ff. de procurat. cum loquatur solum de *fæmina* pro parente morbo aut ætate impedito causa cognita agente, sicuti etiam jure Bavarico mulier tanquam procuratrix promerito se sistere potest, modò renunciât SC. Vellejano, atque satisfidet Illustris Dn. Præses, Patronus ac Præceptor meus summè colendus inter de Gravam. Extrajud. cap. 3. p. 2. §. 11. p. 104. Jure Saxónico *fæminæ* planè ad juramentum non admittuntur Land X. l. 1. art. 26. vers. Wo es aber den Frauen zu den Eyde kömt/add. Philips l. 32. Eccl. 60. n. 103. Occasionem verò quod mulieribus in iudiciis postulandi facultas adempta fuit Caspiana dedit, quòd sexus verecundiam in postulando excessisset l. 1. §. 4. de postuland. Dn. Stryk. in discurs. prelino. ad usum modern. th. 10.

Th. IV. Prohibentur à præstatione juramenti in animam principalis (2.) *Clerici*. His enim æque ac *fæminis* tam jure civili l. 17. pr. ff. de Episcop. & Cleric. quàm canonico (exceptâ defensione miserabilium, Brunnem. ad l. 1. n. 10. C. ubi de ratiocin.) procuraciones aliorum negotiorum suscipere sub pœnâ interdictum est c. ult. de de postul. c. 2. & 101. tit. ne Cler. vel Monach. se secular. negat. immisc. add. l. 25. §. 1. C. de Episc. & Cler. ubi clericis jurare planè prohibitum esse quidam putant: quorum sententiam non probamus, loquitur enim solum de juratoria cautione, & contrarium etiam satis constat ex c. 4. & 101. tit. de jurjur. Licet aliàs etiam in quibusdam textibus Juris canonici dispositum inveniatur, quòd clerici non debeant jurare, id intelligendum est non simpliciter, sed quòd eis sæpius interdictum sit, ne coram magistratu laico jurent, quòd tamen moribus non observari, tradit Dn. Struv. Ex. 17. th. 17.

Th. V. Jurare in animam Principalis (3.) non permittitur

titur *Judeis*; sicuti enim in Camera Imperiali receptum, ut hi *Judeus*, non possint juramentum præstare per Christianum mandatarium, ita multò minus illi pro Christiano jurare poterunt, Wurmser. *iii. de procurat. obs. 4.* Wehner. *in observ. iii. Judæi Brun. ad l. 8. n. 3. C. de Judæis.* Nec (4) *Heretici, Banniti, Excommunicati, Histriones*, ob pessimum vitæ genus & morum levitatem non admittuntur. *Hereticus, Bannitus &c.* Hæretici tamen nomen non ferit Ecclesias à Confessione Romanæ sedis in nonnullis dissentientes. Brunnem. ad Auth. Gazaros *C. de Heret. n. 5.* ibique cit. Klock. *vol. 1. conf. 24. n. 37.*

Th. VI. Præterea (5.) de *Infamibus* notandum, quamvis DD. ex *g. ult. f. de Excepti. & l. 34. C. de Decur.* colligant, procuratorem, quem nos etiam hic nomine mandatarii comprehendimus, esse posse eum, qui infamis est: Dn. Struv. *S.C. Ex. 7. rh. 30.* cum tamen *g. f. Inst. 4. Exception.* de infamiâ dubiâ loquatur, & hodiernum ipsorum officium honorabile sit; Mey. *2. D. 243.* adeo, ut, ne quidem nobilis hoc officio fungens jura nobilitatis amittat Zaf. *addit. ad n. 1. de procurat.* Mandatarium, integrum fidei ac bonæ famæ ad juramentum nomine Principalis præstandum requirimus. Vilitas procuratorum olim exinde censetur orta, quòd linguam quasi venalem habuerint, ac quævis sive justa sive iniqua fuerint, defendenda in se susceperint. Morum exemplum adhuc hodiè imitantes, ac pro dolor! juramentum vix obulo æstimantes, sed iis sicuti pueri astragulis ludentes, ab ejusmodi infamiæ pœnâ, ac vilitate non esse liberos, nemo negabit, nisi quis eorum ignorantiam justis ac injustis, loco excusationis afferre velit. Sed hæc, præprimis in ejusmodi personis, non præsumenda.

Th. VII. Egimus hætenus de subiecto activo, sive de personis juramentum in animam Principalis præstantibus: restat, ut jam consideremus subiectum passivum sive personas *Subiectum passiv.* juramentum hoc recipientes. Breviter verò has personas recipientes dicimus illas, quæ juramentum in genere recipiunt, & coram quibus ipse mandans hoc præstare debuisse. An verò non per delegatum sive commissarium juramentum recipi, sicuti præstari potest? Affirm: cum etiam publici iudicii

exercitium propter absentiam mandari possit *l. 1. ff. de offic. ejus-
cul Mand. Jurisd.* & maximi præjudicii negotia intercedente,
Speciali mandato per mandatarios expediri queant; *C. fin. de
procurat.* quod quoque in feudis procedit *2. F. 3. §. Sed utrum.* etiam
majoribus. Quamvis enim horum Regalium feudorum inve-
stituram ipse Dominus celebrare soleat, potest tamen etiam
de iis per vicarium Dominus investire, & per consequens ju-
ramentum fidelitatis quoque recipere. *Dn. Struv. S. F. C. 8. §. 3.
Recess. Imp. de anno 1521. §. Und sollen wir.* Nec obstat. *A. B. tit. 5.
cum solum loquatur de Imperii Vicariis;* alia verò ratio est
in Mandatario ad id specialiter ab Imperatore destinato; Im-
perator enim tum concessisse intelligitur. *vid. Limn. de Jur. publ.
l. 4. c. 7. n. 28* Sicut hodie videmus Imperatoris nomine Judi-
cium Aulicum Imperiale juramentum fidelitatis à Vassallis in-
ferioris conditionis recipere. *Dn. Stryk. in append. ad Exam. J. F.
N. 4. p. 369.* Ita nonnulli etiam singulariter, ut de feudis no-
mine Principis investiat, quidam constituitur, quem vocant
Præpositum feudorum *Lehnprobst.* *Dn. Struy. d. l.* Sic quo-
que communiter post Coronationem Imperator per Commis-
sarios homagium à civitatibus Imperii liberis recipit. *vid.
Europ. Herold. p. 62.*

CAP. IV.

De

OBJECTO JURAMENTI IN ANIMAM PRINCIPALIS.

THES. I.

Obj. Tum.



Considerato subjecto, ordinis ratio postulat, ut
ad objectum nunc propius accedamus. Versatur
verò hoc juramentum in animam Principalis
sicuti juramentum in genere, circa quamcunq;
rem ac causam honestam, non tam jurantem,
quam Principalem suum concernentem, *l. 7.*

§. 16.

§. 16. de pact. & tribus Comitibus sociatum esse debet, veritate;
judicio & Justitiâ. C. 26. de jur. jur. Gail. 2. obs. 77. Siverò al-
terutro horum destituatur, invalidum dicitur. Barbof. axiom. 1.
§. 6. 126. axiom. §. 1.

Th. II. Nihil verò interest, an causa, de quâ juramentum *Causa*
hoc præstatur sit (1.) publica, vel privata, (2.) Judicialis vel
extrajudicialis, (3.) civilis vel feudalis. Sic in feudalibus Prin- *I.*
cipes & Status Imperii investituræ juramentum, per manda- *Feudaliæ*
tarium sive legatum præstant. Rosenth. de feud. c. 6. concl. 37.
Quo casu ablegatus feudi renovationem accipiens in animam
Principalis sui, in die Seele und Gewissen seines Principalis, ju-
rat. Finckelth. de feud. disp. 3. th. 21. Quamvis in Galliâ illud non
observari tradat, Myler ab Ehrenbach de Princip. & Statib. Imp.
p. 3. 92. §. 7. & §. 8. addit, quòd quotidie in Aulâ Czsaris Prin-
ces ac Status Imperii per suos Residentes & Agentes feudorum
renovationes requirant. Ita etiam Electores ab Episcopo
Bambergensi non in propriâ personâ, sed per mandatarios re-
cipere, ex Limnzo tom. 4. in addis. ad l. 3. c. 7. n. 77. notat Schwe-
der. Introd. in jus publ. part. spec. sect. 1. c. 8. §. 2. & c. 9. §. 6.

Th. III. Idem obtinet in aliis causis tam publicis, quàm *II.*
privatis; Sic ad Electionem Imperatoris Elector ipse justo *Electionis*
impedimento detentus, mediâtè per Legatum, ad Electionem no-
vi Imperatoris faciendam, comparere potest, cui facultas da-
tur ad præstandum in animam sui Principalis quodcunque ju-
ramentum. vid. Do. Simon, Patronus ac Præceptor meus perpetim
Venerandus in Pres. Academ. p. 1. Diss. 3. cap. 7. th. 11. in fin. Non tamen
fidem impediendi, quò Dominus ipsius detentus, cæteris ju-
ramento in animam ejus præstando, facere tenetur; Schweder,
d. l. c. 2. §. 14. usque hoc probatum esse testatur ibidem cit. Mau-
rit. Diss. de orig. Elect. c. 2. th. 9.

Th. IV. Quamvis textus jure Romanò deficiat, qui pro- *III.*
curatoris sive mandatarii interventum, in causâ matrimonia- *Matrimo-*
li prohibeat, & jure Canonico cautum sit, matrimonium per *nialis.*
mandatarium contrahi posse, C. fin. de procurat. ob quam causam
etiam matrimonialis causa per eundem ventilari poterit, c. 10.
de procurat. Præsertim cum in Spiritualibus generaliter manda-
tarium

tarium admittat Pontifex, *C. fin. de Judic. in 6to.* Ziegler. *ad lib. 2. Decretal. tit. 13. cap. 14. §. 5.* Verum, cum in matrimonialibus citati hodie in foro Ecclesiastico, sive nostris Consistoriis; non per mandatarios, sed in propria personâ comparereteneantur, propter favorem matrimonii & ad causam facilitandam: uti de praxi Saxonica testatur Carpz. *L. 3. §. pr. Conf. def. 31.* & de Consistorio Electoris Brandenb. hoc notum esse, dicit Do. Stryk *in usu Mod. l. 3. §. 3. §. 16.* add. Brunn. *J. E. l. 3. §. 1. §. 1.* Hinc in his juramentum in animam Principalis non facile locum inveniet. Accedit, quod juramentum, præprimis voluntarium, ad matrimonii dissolutionem tendens, non admittatur, *c. fin. X. de transact.* Non enim est in potestate partium matrimonium pro lubitu dissolvere, Philip. *ad Decis. Elect. 18. obs. 6.* Setser *de juram. c. 4. n. 7.* quia quos Deus conjunxit, homo separare non potest, *c. 2. X. de transact.* Bronchorst *ad l. 35. ff. de R. J.* Quod si tamen controversia de promisso matrimonio non aliter, quam perjuramentum expediri possit: tunc eam in judiciis admittendam esse, defendit Brunnem. *ad l. 9. n. 26. ff. de jurjur.* Cumprimis autem juramentum purgatorium, in stupro, stupratori neganti potius deferendum est, quam scemina suppletorium; Brunnem. *3. Dec. 31.* præprimis, si indicia sufficientia id judicii fradeant, Schilter. *Inst. Jur. Can. l. 21. 10. §. 47.* Imò Carpzov. *3. Conf. 47.* ob solam stuprationem Juveni juramentum purgationis de non factâ promissione, matrimoniali deferendum esse negat. Quod quidem procedit, si aliz præsumptiones non concurrant; & persona, cum qua stuprum commissum, sit levis & impudica: aliâs affirmativam veriore esse dicit Richter. *Decis. 8. n. 91.* mutuâ tamen conversatione, donatione & amicabili sermone, de amore habili matrimonium probari neg. Heig. *p. 2. q. 16.* ubi exemplum de Sene, qui quæsitivè à Puellâ, *num etiam Senem amare possit?* ac addit, certum esse per amores ac calores juveniles matrimonium non probari, neque inferri ad matrimonium, si probeatur quendam mulierem vehementer adamasse. vid. *ibid.* Mascard. *de probat. 2. conol. 1032. n. 5.*

IV.

Ingenuitatis
ac servitutis

Th. V. Quod de causâ matrimoniali diximus, idem in causâ ingenuitatis ac servitutis obtinere putamus, cum maxima hic adsit affinitas: adeo, ut & matrimonium speciem ser-

vitutis dicat. Heig. p. 2. q. 16. Sic de utraque causâ scriptum est, quod majores Judices habere debeat, & arbiter in his non admittatur, c. 9. de ressu, in integr. Ac sicut non est in potestate partium matrimonium dissolvere, ita nec in potestate partium est, se in servitutem conjicere. Hinc, quamvis in causa ingenuitatis juramentum deferri possit, non tamen hoc procedit in causa servitutis tanquam ardua, in quibus juramentum non deferri facile solet. Brunn, ad l. 6. n. 1. seqq. C. de jurejuri Gail. 2. obs. 94. in Princ. Bachov, V. 1. D. 21. th. 10. lit. A.

Th. VI. Causas criminales quod concernit: in hisce, per mandatarij jurari posse, negandum esse videtur; Cum regulariter in specie in processu inquisitorio ad merita causæ tractanda, mandatarius tam à parte accusatoris, quàm rei intervenire, neq; de Jure civili l. 13 §. 1. ff. de publ. Jud. neq; Canonico possit. c. 5. de procurat. & quamvis hodiè cesset inscriptio: nihilominus actorem per mandatarium agere non posse; vult Dn. Stryk usq. modern. l. 3. t. 2. §. 4. cum hæc prohibitionis ratio, nec sola, nec adzquata sit; sed obstat adhuc genuina ratio, quod scil. persecutio delictorum publica non sit in arbitrio accusatoris, cum privatæ actionis tantum mandatarius detur. De praxi tamen contraria testatur Dn. Struvius in Comment. ad L. 5. Decret. p. 11. obs. 3. & Ex. 7. th. 32. maximè si læso vinculo cognitionis vel aliàs conjunctus sit mandatarius, Mynsing. 4. obs. 34. add. Carpz. pr. crim. p. 3 q. 105. n. 2. Cur verò reus ne hodiè per mandatarium comparere possit, ratio esse videtur, ne per mandatarium absens mentiatur, quæ præsens dicere erubesceret. Sic (1.) rei præsentia in delictis maximè facit ad veritatem eruendam, cum tortura in procuratore non habeat locum. l. 10. §. pen. ff. de Quest. Carpz. d. l. n. 44. (2.) necessaria est præsentia ad condemnationem; ne judicium reddatur elusorium: nam absens condemnari non potest. l. 5. ff. de pœnis. Carpz. d. q. n. 42. Nec obstat, quod mandatarius satisfacere possit, cum satisfactio in criminibus gravioribus (de quibus nobis hic est sermo) idonea non intelligatur: ad peculiarem pœnam enim se saltem quis obligare potest, Carpz. d. l. n. 43. Alia ratio est, si pœna solum sit pecuniaria, vel etiam secundum mores hodiernos relegatio, l. 1. An per alium caus. Appell. l. 2. C. de procurat. l. 5. ff. de pœn.

V.
Criminalis.

Obj.

pæn. Farinac. *q. 99. n. 67.* Nam hz pænæ executioni dari possunt, etiam absente reo, Menoch. *l. 1. q. 80. n. 5.* Farin. *d. l. n. 76.* Et parum interest Reipubl. an immediatè à delinquente consequatur pœnam pecuniariam, an mediatè per procuratorem. Dn. Stryk *d. l. §. 7.* Sic mandatarius potest quoque intervenire, non quidem ad merita causæ tractanda, sed ad causas absentiz allegandas. *l. 13. §. 1. de publ. Jud.* Et de hoc casu etiam loquitur *l. 3. C. de accus.* vid. ibid. Brunnem. qui LL. obft. *parum* intelligit de casu, ubi procurator velit innocentiam rei probare, & hoc casu ad judicem super innocentia rei instruendum, admittendum esse vult; *parum* etiam ubi statuto permissum sit contra absentem procedere, quod statuta Italorum Saxonum & pacta Domus Brandenb. Pomeran. & Megap. satis docere asserit Idem ad *l. 21. C. de pœnis*, Et cum ipsi judici incumbat pro innocentia rei laborare: *l. si non defendatur 19. ff. de pœnis*, cur repelleret defensorem hoc onere judicem liberare volentem? Sed cum nobis in præfenti Dissert non sit sermo de defensore, sed de mandatario, hzc ulterius prosequi superfedemus.

CAP. V.

De

FORMA JURAMENTI IN ANIMAM PRINCIPALIS.

THES. I.

forma intrin-
seca.



I.
allegatio man-
dati non suf-
ficit.

Extraetatis hucusque generalioribus, sequuntur jam specialiora: quorum primum exhibet *formam*, tam *extrinsecam*, quam *intrinsecam*. Et cum hzc ita rem informet ac constituat, ut sine eâ prorsus esse nequeat: necesse est, ut prius *formam intrinsecam* consideremus. Convenit vero illa cum formâ juramenti in genere, ac consistit in religiosa rei aliquid asservatione, factâ per invocationem Dei in testem eorum, quæ dicuntur, & vindicem, si fallamus. Nisi quod persona jurans mutetur, in qua requirimus, ut, ad requisitum ejus, cujus interest juramentum hoc præstari, producat mandatum. Hinc non sufficit, si mandatarius dicat, se

ex

ex ore Principis mandatum accepisse, daß er sich auf mündlichen Befehl beziehe. *l. 1. C. de Mand. Princ. l. 10. C. de Aqued. cum mandatum facti sit, adeoque probandum.* Idem dicendum, si mandatum allegat, verum se excusat, quod offerre illud non possit. *Illustr. Dn. Præses in tr. de Gravam extraj. p. 465. n. 2. seqq.*

Th. II. De eo gravis est controversia, an si mandatum generale datum sit, admitti debeat, ut sufficiens ad hoc juramentum in animam alterius præstandum? quod negamus. Nam quamvis aliàs mandatum generale eundem effectum habeat, quoad omnia; quantum speciale quoad specialia. *l. 21. de leg. 1.* Sic licet quoque procurator generalis in consequentiam & incidenter possit ea, quæ speciale mandatum requirunt; non tamen mandatum generale hanc tribuit mandatario potestatem, ut jurare possit; quamvis veniat in consequentiam vel incidenter sit jurandum. *l. 17. §. ult. & l. 18. de iur. iur.* Seraphin. de Seraphin. de Priv. Juram. priv. III. n. 1. seqq. qui adeò verum hoc esse asserit, ut mandatarius, qui sit conjuncta persona constituentis, sine speciali mandato jurare non possit. Si tamen in mandato generali expressè & specialiter concessa sit potestas jurandi mandatario, tum utriusque admittendus est. Cum mandatum generale in illis, quæ specialiter expressa & inserta sunt, æquiparetur speciali. In Camera verò hoc mandatum hodiè (quamvis olim) non est sufficiens, sed semper speciali mandato opus est, quò mandans in specie sciatur super quo jurandum: nam in illo mandato speciali, tenor juramenti exprimendus est. *Recess. Imp. de anno 1654. §. 43. Blum. proc. Cam. tit. 72. §. 10. seqq.* Quamvis verò Carpz. *Proc. tit. 5. art. 1. n. 83.* utile dicat, si mandato generali clausula adjiciatur: Solte auch mein Anwalt einer mehrer Gewalt von nöthen haben als hierinn begriffen/ so soll ihm solches alles dergestalt zu verrichten/ Krafft dieses freygelassen seyn/ als wenn er darüber in specie und cum liberâ bevollmächtigt wäre. Sed clausula hæc in illis punctis, quæ ex sua naturâ speciale mandatum exigunt, non est sufficiens, cum tali casu verba generalia nunquam sufficiant. *Dn. Stryk in Cant. sect. 2. cap. 11. §. 3.*

II.
nec productio
mandati ge-
neralis.

Th. III. Quamvis alii sibi persvadeant, quod par o-
C 3
mnium mandati ge-

neralis &
cum liberâ,

mnium procuratorum generalis sit potestas, atq; hinc Hahn. ad Wefenb. *ad tit. de procurat. n. 1.* distinctionem inter mandatum simplex ac cum liberâ tanquam in jure civili non fundatam rejiciat, cum verò *l. 58. l. 60. ff. de procurat. c. 4. de proc. 610.* & quotidiana praxis contrarium evincat; non dubitamus asserere, quod mandatarius, qui habet mandatum plenissimum, sive cum liberâ administrandi potestate, utique differat à generali, qui simplex solum habet mandatum: hic enim regulariter alienare, non potest, quod tamen ei conceditur, qui mandatum habet cum liberâ. *dd. 11.* Et quamvis jure Canonico per *d. c. 4. de procurat. in 610.* talis procurator omnia facere possit, quæ procurator speciali mandato instructus, cum mandatum generale cum liberâ æquipolleat regulariter speciali. *d. l. 58 ff. de procurat. Brunnem. ad l. si liberum 10. C. Per quas pers. 106. n. 2.* Hactenus tamen is, qui cum liberâ est, procuratori generali, jure civili comparatur, quod neuter ipsorum illa possit agere, quæ mandatum speciale requirunt. *l. 60. ff. de procurat. Dn. Præf. in Anal. ad Dn. Struv. S. I. C. Ex. 3. p. 69.* Et cum nostrum juramentum mandatum speciale requirat, absque hoc non admittendus mandatarius. *Fab. in C. ad tit. de procurat. def. 1.* Hinc tutius semper aget is, cui magnum præjudicium ex hujus juramenti præstatione oriri potest, ut speciale mandatum exigat, præprimis cum dubitet de voluntate Principalis.

III.
non sufficit
mandatum
cum liberâ.

Th. IV. Ad mandatum quoque refertur ratihabitio, hanc enim retraheri & mandato comparari constat ex *c. 10. de R. l. in 610 & l. ult. pr. C. ad St. Maced.* dicitur, quod confirmet ea, quæ ab initio subsecuta sunt. Hæc minus dubii habent, si Principalis contra se à falso mandatario gesta, rati habere velit, gravius verò inter DD. controvertitur; An si falsus mandatarius e.g. in animam Principalis juraverit, Principalis rata habere possit, quæ exinde falsus iste mandatarius obtinuerit. Alii distinguunt nimirum, utrum ratihabitio intra decendium an post facta sit, vid. *Gail. 1. obs. 47. n. 4.* Neg. simpliciter *Fachin. 8. contr. 61. Dn. Struv. S. C. Ex. 7. sb. 27. Dn. Præf. in Anal. ad Dn. Strux. S. C. d. l. ob rationem (1.)* quod malitiis & dolis obviandum sit: nam si valeret, occasio daretur Domino, expectandi

IV.
nec ratihabi-
tio:
de jure civ.
falso.

Quandi finem judicii, & si sententia contra se profertetur, eam non ratificaret; si pro se, ratificaret, quod esset iniquum, (2.) quod si sententia pro falso procuratore fertur, adversa pars jam quæsitam habeat exceptionem nullitatis, quæ illi non potest eripi per Principalis ratihabitionem: atque hæc sententia juri quoque civili congruit. l. 3. §. 1. Rem rati hab. & l. 24. C. de procurat. Equidem Brunnem. ad l. 14. C. de procurat. n. 16. & in Process. civil. c. 1. n. 80. statuit, quod Principalis juramentum à falso mandatario in animam ejus præstitum, in sui commodum rati habere queat. Et sibi imputare debeat adversarius, quod maledictum non exegerit. Mey. 6. Dec. 139. Quando enim actus alterius nomine gestus ab initio habuit omnia essentialia solò deficiente consensu illius, superveniente eo, retro validetur. At verò (1.) hic non quæritur de casu quò scit adversarius, mandatum illud falsum, & propterea nullum esse. (2.) Si vel maxime sciat, tamen hæctenus securus est per l. 24. C. de Procurat. maxime quod non ipsius tantum sit, in mandatum inquirere; sed & judici incumbat, ut ex officio moneat; sicubi judicium substantiâ suâ, velut casu illò, quò constat mandatum planè nullum adesse, careat. (3.) Consensus non potest retrahi in emolumentum Principalis unius, si hoc cederet in damnum alterius. Et hanc sententiam in foro obtinere testatur Wurmfusus IV. Contræv. tit. 13. c. 8. Quicquid Gasilius sentiat: de quò vid. Dn. Præsidentem d. l.

Th. V. Porro de chartâ blancâ à Domino subscriptâ & subsignata sciendum, cum hæc locò mandati ad alia negotia expedienda non semper sufficiat; multò minus id mandatario sufficiens fore ad præstationem juramenti in animam Principalis, siue ejus, qui ei chartam blancam dedit. Berlich. p. 1. concl. 14. n. 91. Carpz. tit. 5. art. 1. n. 110. seq. Accedit quod ex chartâ blancâ non satis constat de voluntate Principalis, an hic velit, ut juramentum per mandatarium in animam ejus præstetur. In dubio, verò id solum censetur concessum, quod generaliter ac communiter concedi solet; non verò id, quod specialem, aliquam requirit concessionem, uti hoc juramentum l. 53. §. 60. ff. de procurat. Cum verò de his varijs mandatis maxima sæpius

ratio v.

V.
nec charta
blanca.

pius occurrat in iudiciis disceptatio; maximò utriusque partis damno, hinc optandum esset, ut consilium Brunnem. in iudiciis attenderetur. Dicit enim hic in *proc. civil. cap. 1. n. 75. maxime factre ad abbreviandum processum, si procuratoribus nomine absentis partis agentibus certa & solennis formula mandati sub penâ prescriberetur, in quâ omnia mandati requisita continerentur, ut nihil in illâ desiderari possit, ut ita disputationibus illis circa mandata obviari possit: qualia mandata typis exscripta in plerisque ferè Dicasteriis & vel summis in Imperio habentur, in quibus spatium aliquod passim relictum, cui nomen constituentis & causa in litem, vocandi, cum cæteris, quæ variant, inscribi possit.*

*In Camerâ
Contumacia
mandatarii
non nocet Do-
mino.*

Th. VI. Cæterum quamvis contumacia procuratoris vel mandatarii noceat Domino, maximè in iis, quæ pertinent ad iudicii processum. *Gail. 1. obs. 89. Si tamen mandatarius recuset jurare: hoc in dispendium Principalis in Camerâ ex æquitate non assumitur; Gail. d.l. Obrecht. de Juram. column. c. 12. n. 23. quamvis mandatarius quandoque penâ pecuniariâ mulctari solear. Quod eò magis licet cum habet, cum non solum lis à procuratore contestata, sed etiam ad probationes devenit sit. Ruland. de Commissar. l. 2. c. 14. n. 8. & 15. in fin. Cessat verò hæc pecuniaria pœna, si propterea mandatarius recuset, quod in quâcunque parte iudicii intelligat, suum Principalem injustam fovere causam. Brunnem. proc. civil. cap. 15. n. 25. & 26.*

*forma exist-
na.
Locus.*

Th. VII. Misiâ juramenti in animam Principalis formâ internâ; ad externam pergentes, eandem spectamus (1) *respectu loci.* Et quidem præstari solet hoc iuramentum regulariter in loco publico, in quò ipse Principalis præstare debebat. Non tamen putamus, competere mandatario beneficium, quod ipsi Principali ob singularem dignitatem, adversam valetudinem, vel aliud impedimentum, in *l. ad personas egregias 15. ff. de iurejur.* tribuitur. Quænam verò veniant nomine personarum egregiarum, vid. apud Menoch. 2. de arbitr. & iudic. 2. cas. 70. Optat Brunnem. *Jur. Esch. l. 3. c. 5. §. 10. ut quoties iuramentum in causis Consistorialibus præstandum toties illud præstetur in loco sacro seu templo; quod faciat ad maiorem reverentiam circa*

circa juramentum adhibendum; Sicuti apud Judæos juramentum præstitum fuisse, vel in conspectu templi, vel facie ad templi situm conversâ, colligi potest ex sapientissimis Regis Salomonis verbis 1. Reg. 8. *vers. 31. nam veniet execratio ante altare tuum in domum hanc &c.* Sic etiam adhuc hodiè jurant Electores in Electione Imperatoriâ ante altare, & Imperator ipse post Coronationem utrâque manu super altare positi jurare solet, A.B. iii. 2. pr. de Jena de Elect Imper. disp. 5. tb. 9.

Th. IIX. Externæ formæ juramenti in animam Principalis partem etiam constituit (2.) *Ritus.* Negari quidem non potest, formale juramenti in exterioribus illis ceremoniis non consistere, sed in religiosâ invocatione nominis divini in testimonium, Setser. de juram. l. 2. c. 2. n. 12. Hinc ceremonias illas adjectitias salvâ juramenti substantiâ abesse posse. Carpz l. 13. Resp. 49. n. 4. § 5. Alia verò est quæstio, an non ritus salvâ conscientiâ adhiberi possint? quod utique affirmamus: præprimis, qui ad præcavendum perjurium faciunt, quatenus scilicet, per hos ritus commonentur jurantes de arduo quod gerunt negotio; plures hujus receptæ solennitatis rationes vid. apud Setser d. tr. l. 1. c. 15. n. 20. Optimum est consilium, quod suggerit Winther in Parib. litig. cap. 6. n. 24. ut huic actui semper intersit unus vel alter Theologus, (quia juramentum est quasi tortura, per quam animus demonstratur, spiritualis) ut jurantem moneat diligenter de perjurii gravitate, & minetur ejus gravissimam pœnam; si verò Theologus non sit actui huic præsens, judex etiam non imploratus id facere tenetur; tanquam officii ratione ad id obligatus, & si neglexerit sauciaturam sanè habebit conscientiam, atque non solum animam jurantis, sed etiam propriam trahit in perniciem, si perjurium ob neglectum suam comonitionem commissum fuerit. Reliqui ritus in juramento in genere adhiberi soliti, hic etiam locum habent; simili modo, ac si ipse Principalis juraret. Sic investitura Feudi Principis peragitur armis depositis à vasallo vel mandatario in genua procumbente, tacturâ Evangelii, addito osculo coni in gladii manubrio, & capite denudato, &c. Myler. de Princip. & Statib. Imp. p. 2. c. 42. § 5. Cum verò certum sit plerisque in locis hujus actus solennitates variare; quandoque enim requiritur,

Ritus,

priorum digitorum manus dextræ erectio, apertura januarum, fenestrarum, caput denudatio, confidentium surrectio, ut juramentum præstetur jejuno stomacho. c. 16. c. 22. q. 5. c. 1. de testib. Ita Consuetudo & Statuta locorum respicienda sunt. Illud verò hic tanquam speciale adhuc notandum, quod mandatarius exhibito mandato, Principalis sui absentiam excusare teneatur. vid. Europ. Herald p. 66. Dn. Stryk in Append. ad Ex. J. F. N. p. 344.

formula.

Th. IX. Ad juramenti in animam Principalis formam externam pertinet etiam (3.) formula, quæ quodammodo discrepat ab eâ, quæ ipsi Principali, si præsens est, prælegitur. Nam si juramentum fidelitatis à Mandatario præstatur, ita concipitur. Ich Sempronius, als Bevollmächtigter Mævii, schwere und gelobe in dessen Gewissen und Seele / &c. dem N. getreu/gehorsam und gewärtig zu seyn &c. So wahr Ihm Gott helffe. Dn. Struv. Syn. J. F. c. 1. §. 6. n. 5. Sic in præstatione juramenti dandorum parti ponenti solet talis prælegi formula. Ihr sollet einen Eyd zu Gott schweren (si verò mandatarius partis est) Ihr als Anwalt trer der schweren einen Eyd zu Gott (vel, ut in quibusdam judiciis) In Euer selbst und euers Principals Seele schweren / daß die positiones und Articuli / die ihr in dieser Sachen übergeben / so viel derselben euer (si mandatarius, euers Principals) eigen Geschichte und Handlung belangend wahr &c. RAYS. Cammers Gerichts-Ordn. p. 1. III. 69. seqq. Bocer. Cl. 6. Disp. 18. n. 21. ubi n. 22. addit formulam juramenti respondendorum. Plures ejusmodi formulæ adduci possent; sed ex his discrepantiam satis constare putamus. Interim formulam procuratorii in judicio Imp. Aulico vid. apud Joh. Leonh. à Püchel de tutel. Princip. cap. 10. n. 54. seqq.

CAP. VI.

De

JURAMENTI IN ANIMAM PRINCIPALIS FINE.

THES. I.



Ornam tam internam quam externam jam vidimus. Nunc ordinis ratio nos deducit ad *finem*, qui præter id, quod gestum magis firmetur, vel etiam, ut veritas magis pateat; partim respicit utilitatem publicam, partim privatam.

Th. II. Constat ex *pr. §. de iis, per quos agere.*

Nolim neminem aliò nomine in iudiciò experiri potuisse, nisi 4. casibus, pro populo, pro libertate, pro tutela, & pro furto eorum nomine, qui apud hostes vel Reipubl. causa absessent. Cum verò hoc non minimam haberet incommoditatem, quod alienò nomine agere non liceret, cæperunt homines, qui rebus suis ipsi superesse vel noluerunt vel non potuerunt, per procuratores litigare: *d. pr. §. l. i. §. 2. ff. de procurat.* ac etiam hodiè tanquam maximè utile Reipubl. permissum, imò moribus passim receptum, ut nemo suò nomine, sed tantum per procuratorem litigare in iudicio possit. *Giph. ad d. pr. de iis, per quos agere.*

Th. III. Cum itaque Reipubl. utilitas maximè hoc spondeat, ut lites tanquam Republicæ pestis eò citius ac commodius exitum fortiantur, quæ aliàs ob absentiam Principalis, si fortè in longinquis ultra mare vel ingnoretur, ubi sit vivus an mortuus, quandoque infinitè redderentur. Hinc etiam L.L. non denegant media ad finem hunc obtinendum necessaria, sed admissò mandatario, ei etiam concedunt cuncta, sine quibus mandatum impleri non potest. *arg. l. 56. §. 62. ff. de procurat.* Hinc eleganter dicit Grotius in non satis laudando *tr. d. §. B. §. P. l. 3. c. 22. §. 4. n. 2.* quod conjectura dicet, ut concessum intelligatur id, sine quo non satis commodè quæ officii sunt, expediri possunt. Et admissus ad causam, censetur quoque ad emergentia admissus. *Dn. Præses de Grav. extraj. p. 309. n. 38.* Dum igitur Reipubl. expedit per alios agere; non potest, non etiam constare, quod iuramentum mandatariorum in animam Principalis, utilitatem publicam respiciat. Sanè si pars Principalis, è longinquâ, quandoque ultra mare distat regione; semper ad hunc actum in propriâ personâ comparere deberet, tardissimè victoriam de lite reportaret satis cruentam; quod sine

utilitas publica.

ejus maximè interest, ne partes superfluis sumtibus, ultra modū graventur, & ne cives ad incitas redigantur. Sic etiam in eo Reipubl. versatur utilitas, præprimis tempore belli, ut Princeps non discedat è suo territorio; quod sanè facere deberet, si non per mandatarium vel legatum suum sufficienti mandato instruetum jurare posset. Dicis: hōc casu à parte adversâ legatus potest mitti, qui ab ipso Principe juramentum suscipiat; concedi hoc posset, modò res semper pateretur moram.

Obj.

Utilitas privata.

I.
ratione muti.

Th. IV. Privatos ex hâc juramenti præstatione maximum sentire commodum, nemo sanè dubitabit cum eorum morbus, necessaria peregrinatio, itemque multæ alix causæ, sæpius impedimento sint, quò minus rem suam ipsi exequi possunt. *pr. J. de iis, per quos agere.* Quale quid occurrit in mutis, si specialis ratio verbalem juramenti præstationem desideret, modò interrogatus, an velit, ut aliquo suo nomine juret, clarè annuat. Explicandum tamen ipsi prius quid juramentum in animam alterius involvat. Præjudicium habet Finckelth. *obs. 45. n. 18. & 20.* ubi carnificem Urphedam nomine furis præstitisse refert. Quamvis aliàs negari non possit, mutum quandoque in personâ propriâ jurare posse, si scribere vel aliàs mentem suam satis explicare possit; quia juramentum præstat Deo, qui novit hominum mentes & corda, licet non loquantur. *c. 6. c. 14. q. 4.* Verba verò non requiruntur tam ad juramenti præstationem & prolationem, quàm ad conceptionem. *setser de juram. l. 1. c. 9. n. 2.* Quamvis alii requirant necessariò verba ab eo, qui loqui potest: secus in iis, qui non possunt. *Fachin. 3. Centr. 7.* Illud tamen concedendum, quod verba faciant ad facilitiorem ipsius juramenti probationem; non etiam, ut ad illius essentiam requirantur. *Seraph. de Seraph. de Privil. Juram. privil. 22. n. 16.*

II.
ratione Senum & parvulorum,

Th. V. Sic etiam litigatorum sinectus, ad molestias & incommoda itineris sustinenda impar, & magnorum sumtuum ad peregrinationes necessariorum defectus, quandoq; non permittunt, ut ipsi Principales se ad jurandum in propriâ personâ præsentantes sistant; atque sic jam finem litis sese assecutos gaudentes, miseri litigantes, Deo adhuc gratias publice agendo, litem deferre cogantur, ne majores evadant litium expensæ, quam fructus sententiæ: quod non rarò pro dolor! evenire solet, præprimis in

iis judiciis, ubi sine causâ, prima, secunda, imò tertia dilatio à iudice concedi quasi pro lubitu solet, & sic abutuntur potestate, à Principe tanquam dilationum auctore, ipsis concessâ, Ziegl. *de Jur. Maj. l. 1. c. 48. n. 6.* non respicientes. *l. properandum. 13. C. de Judic.* quod profectò non fieret, nisi etiam quamvis frustratoriam dilationem, in partis favorem aliàs primariò concessam, Iudices, ob interesse sportularum (quod nullam dilationem recipit) suam facerent. Atque hinc illud, quod in favorem partis concessum in damnum ejus malè vergat. Ut hâc ratione multi, prout Val. Winth. *in Parth. litig.* rectè inquit: *sub justitia clypeò pereant & justitia titulò vexetur egenus & infons.*

Th. VI Principibus, Statibus, Prælatibus, aliisque similibus, qui aliàs etiam per nuncios, sive mandatarios, quid impetrare consueverunt, Dn Præses *de Gravam. extraj. p. 592. n. 2.* maxima quoque obvenit utilitas, quod per mandatarium, seu Legatum, feudum acquirere & renovare, ac per consequens juramentum fidelitatis præstare, possint. *2. F. 3. Myler. de Pr. & Stat. Imp. p. 2. c. 92. §. 5. Schwen- der. Introd. in Jus pub. part. spec. sect. 1. c. 9. §. 8.* Non quòd coram Cæsare in genua procumbere vereantur: cum id Status quoque præcipui, Electores etiam, quando prima illis Investitura contingit, non detrectant; neque aliàs Legatis aliter quàm expositis causis, cur ipsi Principales comparere non possint, utuntur; nisi quòd tunc Vasalli ipsi semper utantur Legatis, quando Dominus feudi Vasallo inferior est; ut Episcopus Bambergensis respectu Electorum, quibus feuda quædam confert Schwed. *d. l. c. 8. n. 2. vid.* tamen Dn. Præses *in Anal. ad d. l. c. 9. §. 8.* Sic Serenissimo Electori Brandenburgico privilegiū competit, quòd non in propriâ personâ, investituram feudorum Bohemicorum petere teneatur. *Europ. Herald p. 35.* ubi quòd addit: hoc privilegium observantia etiam aliis Electoribus, ac Principibus, non solum ratione feudorum Bohemicorum; sed etiam Imperii tribuit, minimè agno-

III.

ratione Personarum Illustrium.

blicis non compareant; ne dum conventibus virorum vel judiciis interfint, in contumeliam matronalis pudoris irreverenter irruant, *l. 21. C. de procur.* Sicut nec apud Romanos fœminis ulla actuum publicorum communio fuerat, *Gellius l. 5. c. 19.* nec unquam Senatum Romanum ingredi poterant, saltem ut cœtum virorum intuerentur. *Lamprid. in vita Heliogab.* Maximè igitur his expedit, ut per mandatarios suos comparere possint, ac per illos, sicuti actus alios; ita etiam juramentum præstare possint. *C. un. de Stat. bejæ fortis.* Atque hæc singula ita sese habent, tam in fœminis ple-

quàm plebe-
je fortis.

C. AP. VII.

DE

EFFECTU JURAMENTI IN ANIMAM PRINCIPALIS.

THESE. I.

Effectus,



erpensò sine, restat nunc examinandus effectus, qui maximè consistit in obligatine, quâ Principalis obstringitur ad id servandum, quod à mandatario ejus iussu suò juratum; modò juramentum hoc in animam Principalis, non præstitum sit de re illicitâ, aut naturali, aut divinâ, aut humanâ interdictione tali; Sicuti enim hoc non obligat, quamvis ipse Principalis juraverit; uti exemplum habemus in Davide, qui Nabali pepercit, quem occisurum juraverat. *1. Sam. 25. v. 34.* Multò minus obligabit, si nomine ejus, tali casu, alius juramentum præstiterit. Si verò super re licitâ à mandatariò in animam Principalis juratum sit, non dubitamus, Principalem naturaliter ex hoc juramento obligari; cum obligatio effectus necessarius sit juramenti, præprimis promissorii. *Ziegler. ad Grot. l. 2. c. 13. §. 3. & 15. Franzk. l. 2. res. 6.* Si enim ex simplici alterius promissione mandato meo factâ, naturaliter obligor; cum velle censear, quod in alterius voluntate posui. *Grotius d. tr. l. 2. c. 11. §. 12. & §. 13. n. 2.* quidni ex juramento alterius voluntate meâ in animam meam præstito naturaliter obligarer? cum juramentum nihil aliud sit, quam jurata promissio. jam verò quid violatione promissionis, præcipuè tantâ cum religione datâ, magis à naturali ratione abhorret? vid. *Setser. d. tr. l. 2. c. 1. n. 2.* Non obstat, quod *Cujacius l. 22. obs. 7.* in casu *l. 56. pr. ff. de fidej.* ex jurejur. ne quidem naturalem obligationem nasci asserat. cum

Obligatio
naturalis.

Obj.

non

non loquatur de obligatione naturali simpliciter tali, sed respectu juris civilis considerata : quatenus scilicet jus civile huic obligationi nullos effectus tribuit ; Sed totam obligationem ingenui, operas officiales, sive stipulatione, sive jurejurando promittentis, improbat. *l. 7. l. 9. §. 1. de oper. libert. l. 10. de obseq. par. & patr. præs. Conf. Franzk. Ex 9. §. 1.* Illud tamen sciendum, quod omne juramentum in se non producat novam & peculiarem obligationem; sed obligationi, in se validæ, velut accessorium quoddam, vinculum quandoque superveniat.

Th. II. Celebris aliàs est controversia, utrum ex promissorio juramentò jure civili ac canonico oriatur obligatio ad actionem producendam efficax ? quod rectius de jure civili negatur. *l. 56. pr. ff. de sde juss. ubi Gothofred. l. ii. l. i. juramentum non est modus inducendæ obligationis civilis, rectè inquit: & cum nudam promissionem complectatur instar nudi pacti valet, quod actionem non producit. l. 7. §. 4. ff. de pact. l. fin. ff. de jurejur. Dn. Præs. in Anal. ad Dessel. Erot. l. 2. tit. 24. Q. 3.* Contrariæ sententiæ Authores fuere Ultramontani DD. quos inter alios sequitur Seraphin. de Seraphin. de Privil. Juram. priv. 19. commoti per L. L. seqq. & quidem (1.) *l. 7. pr. de oper. libert. & l. ult. ff. de liber. caus.* Sed hi textus loquuntur solum de speciali casu, nempe juramentò liberti, hinc solum est exceptio, quæ regulam in casibus non exceptis confirmat ; ratio exceptionis respicit libertatis beneficium; hinc in aliis personis, secus dicendum, Fachin. 3. Contr. 12. (2.) *l. 1. C. si advers. vendit.* quæ vult, juramenta esse inviolabiliter servanda, & eis confirmari contractus & pactiones. E. etiam videtur in consequentiam dicendum, ex eis oriri obligationem. Sed neg. Conseq. Cum illud non sit inventum, nec apud ad obligationem producendam. Ita etiam ad cæteras L. L. obstat, generaliter Resp. potest, quamvis dicatur juramentum compelli debere, ad id præstandum, quod juravit, Sed non jure descendens obligationis ex juramento, sed ex contractu vel quasi cui iuramentum hoc accessit. cum iuramentum obligatio-

*Ex Juram.
jure Civ. non
oriatur oblig.*

Obj. 1.

Obj. 2.

Dissert. de pactis §. 18. Accedit, quod nullus locus proferri Jure canonico possit, ubi probetur actionem & obligationem oriri ex juramento. Fachin. 3. *Contr.* 12. Dissentit Seraphin. de Seraph. d. 11. *Priv.* 19. Gothofred. ad l. 56. pr. ff. de Fidejuss. motus. c. 6. & c. 28. X. de jurejur. c. 2. de pact. in 610. Sed eadem responsio his tt. potest applicari, quam in 1b. *prac. ad LL.* obstantes dedimus. Nec obstat, quod dicatur: juramentum præstari parti, quæ illud potest remittere; Consequentia enim, quæ exinde deducitur, est falsissima. E. parti juramentum obligationem & actionem tribuit, cum pars solum cui præstatur juramentum, jus habeat, ut possit ad servandum juramentum, jurantem ope judicis compellere, ac illud jus remittit, cum juramentum remittit. Cæterum, primaria Dissentientium ratio, cur scil. jure canonico juramentum obligationem pariat, esse videtur, quod hōc jure pacta nuda obligationē ad instituentiam actionem efficacem, producant. Hinc concludunt: si hæc vis pactis nudis tribuitur, sanè juratæ promissioni minus denegari puterit, cum juramentum habeat vim consensus geminati, secundum Gloss. in d. c. cum contingat 28. Sed cum de fundamento illo, cui sententiam suam Dissentientes tutō superstruunt, adhuc sub judice lis sit; adeo, ut nos suppositum illud potius negemus. Hinc necesse est, ut dirutō fundamento etiam corruat id, quod ei superstructum est, vid. Dn. Przł. in Anal. ad Dn. Struvii *Synt. J. C.* Ex. 17. lib. 11. & dict. *Diss. d. l.* ubi inquit: quod Canones tantum religionem ingerant, si pactio fortē deliberata fuerit; alias eo jure actionem non competere verius esse. add. Setser de *Juram.* l. 2. c. 1. n. 2. Fachin. 2. *contr.* 100 qui ne quidem ex pactō nudō juratō, actionem oriri statuit, ibique Gloss. *supr. cit.* refutat.

Th. IV. Cum itaq; satis evictum sit, quod neq; Jure civili, neque canonico juramentum, etiam ab ipsō Principali præstitum obligationem ad agendum in foro civili efficacem, producat; sed solum animum jurantis metu pœnæ perjurii stringat, & obligationi præexistenti, jam tum vim actionis pariendi habentem, vinculum religionis adhuc annectatur; non verò ad effectum agendi concurrat: Hinc multō minus juramento mandatarii in animam Principalis præstito hic effectus tribuendus; Frustrā verò malitiosi Principales exinde ad callum conscientiz obducendum sibi met ipsi faviter adulantur: pejerare per procuratorem, non est:

esse grande nefas, sed peccatillum veniale. Vanum quoque est solatium, procuratorem, qui nomine eorum falsò juravit, etiam ipsorum nomine descensurum esse in gehennam. Nolite errare, Deus impunè non irridetur. *Gal. 6. 7.* Qui propterea temporaliter multis parcat, ut æternùm eos puniat gravissimè: Habebitis enim sine dubio, tanquam juramenti fraudatores, eandem perjurii pœnam, ac si corporaliter jurassetis in propriâ personâ; nec ibi locum habebit substitutio mandatarii, ad pœnas vestrò nomine sustinendas.

Th. V. Cæterum, eòdem modò, quò Principalem obligatum diximus, obligatur etiam quandoque mandatarius; præprimis hoc videmus, in juramento calumniæ. *Gail. 1. obf. 89. n. 1.* add. formulæ *supr. c. 5. th. 9.* adductæ. Frustrà igitur mandatarius in re tam arduâ sibi perſuadet, juramentum calumniæ tantùm Principalis, nò verò suam obligare animam. Idem enim esset, ac si quis vellet peccare; non tamen reus vellet esse damnationis; quamvis n. non velit posterius, nihilominus in priori censetur voluisse posterius implicite & virtualiter. vid. Osiand. ad *Grot. l. 2. c. 13. §. 3. p. 96.* Falsâ hâc perſuasionem, major sanè adhuc corruptela est, quæ malitiosò hòc seculò obtinet, dum scilicet potius de calumniâ committenda, quàm fugienda sæpius jurant: quæ peccata tanquam latentia, quamvis in foro soli, Magistratus animadversionem declinent. Certò tamen in foro Poli, ultioni divinæ reservantur. Si enim omnia in hoc seculò essent vindicanda, non haberent locum judicia divina *c. 1. C. 15. q. 6.* Non tamen exinde inferendum, quasi mandatarius salvâ conscientia in alterius animam jurare non possit; hoc ipsò enim falsum diceremus illud, quod antea tanquam verum supposuimus: sed id solum exinde deducendum, quod mandatarius non cum levitate aliquâ, ex consuetudine, quasi ad hoc juramentum, ad cuiuslibet petitem profiliat: cum jurisjurandi religione, secundum Dei præceptum, non ut cibo, verum sicut condimentis ad necessitatem uti oporteat. *Cothman vol. 2. Refl. 2.*

*Obligatio
mandatarii.*

*Obligatio
Princip. non
desinit morte
mandatarii.*

in Prasat. l. i. de Process. & Mandat. De eò facile constat, quòd mortuò
mandatariò Principalis nihilominus maneat obligatus ex jura-
mento in animam suam præstito.

CAP. IIX.

DE DISSENTANEIS AC AFFINIBUS.

THESES I.

Contraria.



Nspeximus hætenus ea, quæ juramento in ani-
mam Principalis sunt consentanea: subjicienda
jam sunt dissentanea; quòd pertinet personarum
ad præstandum hoc juramentum, tam naturalis,
quàm civilis inhabilitas; Sed cum de his actum
sit in r. 2. th. 10. seqq. & c. 3. th. 3. seqq. ac de aliis in c. seqq.
Hic breves erimus in enumerandis contrariis.

I.

*Si Statutum
exstat in con-
trarium.*

Th. II. Hoc solum adjicimus, quòd huic juramento etiam
non sit locus (1.) Si statuto illud sit prohibitum; quale extat in Cu-
ria Electorali Lipsienfi, Setser de Juram. c. 5. n. 9. Nec non in Ordin.
Judic. Francof. ad Mœnum tit. 23. §. 6. & refert Illustris Dn. Præf.
in tr. de Gravam. extraj p. 371. n. 6. de Judzo quòdam Francofurtensì,
cùm ejus procuratori processus denegaretur, salvo conductu sibi
præstito, Francofurtum eum se contraxisse, ibiq; in personâ jurasse.
Quid Jus Saxon. aliorumq; locorum Statuta hæc de re disponant
vid. Carpz in proc. tit. 12. art. 1. n. 34. & alios Auth. c. 2. th. 9. citatos.

II.

*Si presentia
principalis sit
necessaria.*

Th. III. Non quoq; locum habet hoc juramentum, (2.) Si Prin-
cipalis ex certâ causâ, ad requisitionem superioris, in propriâ per-
sonâ tenetur jurare, quod contingere potest, si Principali causâ sit
notior. c. 3. de Juram. calumn. Hilfig. l. 24. c. 3. lit. K. Joh. à Sande tit. 9.
def. 1. Conf. Ziegl. ad Lancell. l. 3. tit. 1. §. 13. Vel si Judex ex Principalis
vultus pallore, consternatione, titubatione ac inconstantia ser-
monis, indicia quædam sumere posse credat. l. 10. §. pen ff. de Quæst.
Sic quoque, si Dominus ex gravi causâ præsentiam vasalli requi-
rat, mandatarius non admittitur, si videre fortasse vel admonere
Vasallum velit. Plures causas vid. ap. Rosenth. cap. 6. concl. 37. in fin.
quòd tamen ita intelligunt DD. ut ob justas impedimenti causas
adhuc vasallus per mandatarium comparere & jurare possit.
Dn. Struv. Syn. 7. F. c. 3. th. 6. n. 5.

III.

Si mandata-

Th. IV. Deniq; (3.) mandatarius non potest jurare in animam
universalem, si unus consortum solum ipi mandatum dederit. Mev.

p. 5. d. 391. Aliud dicendum est, si omnes mandatarium elegerint ac speciale mandatum dederint: Hic enim e. g. fidelitatem nomine omnium Domino jurare potest. Bocer. *Cl. 5. D. 18. n. 46. in not.* Ita quoq; substitutus, à mandatario, etiam speciali mandato instructo, datus ad juramentum in animam Principalis præstandum non admittitur; cum actus sit maximi præjudicii & sanctissimæ obligationis, in quibus, si singularis personæ industria sit electa, substitutioni locus non est. Nisi tamen potestas substituendi alium, ad hunc actum expressè mandatario concessa fuerit.

Th. V. Affinitatem quandam habere videtur cum juramento in animam Principalis. (1.) Si Syndicus vel Seniores, aliquando etiam Juniores, quando hi exactiorem notitiam habent, Carpz. p. 1. c. 13. de f. 3. nomine universitatis, vel æconomi sive administratores Ecclesiarum, jurant in animas proprias, arg. c. 3. X. de juram. calum. l. 2. §. 2. C. de juram. propi. calum. ibique Brun. n. 10. Cum enim universitas seu Ecclesia sit corpus mysticum, juramentum non potest præstare, quam per procuratorem, qui quasi est Dominus, & creditur nosse causas universitatis sensu carentis. Berlich: p. 1. cont. 31. c. 23. Dn. Præses in Anal. ad Dessel. Erotem. Jur. Can. l. 2. tit. 7. q. 4. Ad hoc juramentum, quoad effectum juris, obligationem scil. si ve observantiam & perjurii pœnam, perinde habetur, ac si tota universitas juraverit; paria enim sunt esse talem, vel in omnibus haberi pro tali. Quamvis aliàs propriè ipsa universitas non fiat perjura, cum sit res sine animâ, in quam non potest cadere perjurium Bald. in l. generaliter. C. de Reb. cred. (quod dictum esse notandum, menteq; benè tenendum, tanquam quotidianum, monent DD. citati à Seraph. de Seraph. de Privil. Juram. priv. 83. n. 29. seqq.) Illud tamen sciendum, si universitas ex paucis personis constet: quod tum quandoque singuli ad requisitionem judicis in propria personâ jurare soleant.

rius solùm ab uno consorte mandatum habet.

IV.
à mandatario substituto non admittitur.

Affinitas.
I.

Th. VI. Affinitas, quæque intercedit si tutores nomine pu-

II

tum fidelitatis, si forte feudum impuberi concedatur; Cum is, in
cujus animam alius jurandò, fidem ab ipso, præstandam promit-
tit, debeat & ipse esse habilis, ad fidem jurato promittendam; ha-
bilitas verò hæc, ut suprà demonstravimus, deficit in pupillo. add
Illustriſtis Dn. Struv. in *Syn. J. F. c. 8. §. 6. n. 6.* Idem obtinet in
curatore furioſo, & si his inhabilibus personis Dominus feu-
dum concedit, juramentum fidelitatis remiſſiſſe cenſetur;
ac cum ipſe nullum animi judicium habeat, per curatorem,
feudum acquirit, *l. ult. C. de curat. furioſ.* Accedit, quod hæc perſonæ,
ob deficientem conſenſum, non poſſint dare mandatum, ad jura-
mentum in animam ſuam præſtandum, neceſſarium. Excipit
Myler ab Ehrenbach in *Etolog. Ordin. Imper. cap. 3. §. 5.* Curatores
Principis Pupilli aut Minoris, & hos in petenda feudi titulatì
inveſtituræ renovatione, ad juramentum fidelitatis absque ſpe-
ciali mandato admittit; cum ipſorum officium eis pro manda-
to ſit. *arg. l. 4. ff. de in litem jurand.* vid. Schrad. de *Fend. p. 6. c. 42*
n. 34. Bocer. de *inveſtit. c. 4. n. 33.* Vultej. de *Fend. l. 1. c. 7. n. 34.*

Concluſio.

Addenda quidem adhuc reſtarent alia, ſed hæc peti
poſſunt ex Felſtmanni *tr. de promot. abſent.* ubi Oidekopium, ju-
ramenta in animam Principalis omni jure illicita ſtatuentem, re-
ſutavit. Argumenta ſua primaria reſutatoriâ huic Diſſerta-
tioni paucis adjeciſſem; niſi defectus exemplariorum, propo-
ſito remoram injeciſſet. Quare hæc, de nobiliſſima inque forò
aſſiduâ juramenti in animam Principalis materiâ, adducta L. B.
zquò Judiciò ſuſcipere & minus concinnè poſita, zquè & erra-
ta, humanæ conditionis memor, ingenuè corrigere velit. Inter-
rim ulteriorem, maximè uſitatæ hujus materiæ, deductio-
nem & explanationem mihi reſervo, ſi DEO placuerit; Cui &
jam pro conceſſâ ſuâ gratiâ devotiſſimas perſolvo grates.
Inſuper piis exoptans precibus, ut omnia qualiſcunque mea
ſtudia cedant in proprium emolumentum, in Patronorum,

Proximique placitum, & in divini Numinis gloriam, quæ
eſt Diſſertationis hujus primarius

F I N I S.